



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt XXIV. a Clemens III.

---

[urn:nbn:de:hbz:466:1-74544](#)

## COMMENTARIUM.

**R**epentes in præsenti, nec non scribentes de simonia, latè disputatione, an licet pretio redimere vexationem mili justè vel injustè factam circa rem spirituale, vel spiritualibus annexam. Quam variis conclusionibus decidunt Suarez tom. 1. de relig. lib. 4. de simon. cap. 50. Theologi cum D. Thoma 2. 2. q. 100. art. 2. Valentia tom. 1. controv. disput. 6. q. 16. pñcto 3. §. 2. Vasquez in opusculo de scandal. q. 43. art. 8. dub. ult. Kedanois de simonia, 3. p. cap. 21. num. 1. Gibalinus eod. tract. q. 18. Barbo in collect. ad hunc textum: quorum resolutiones transcribere, aut examinare longum foret. Pro præsentis autem textus expositione sciendum est, illi communiter opponi textum in cap. dilectus 30. hoc titul. ubi in eadem specie vexationis factæ ab Archiepiscopo Eboracensi docetur, quod si accepta pecuniâ, ut defensas à vexatione, ab ea non cessavit, competere repetitionem; unde Pontifex non improbarit hujusmodi pecuniæ præstationem pro redimenda vexatione; immò tacite approbat, contrâ ea, qua in præsenti statuuntur. Pro cuius antinomia conciliatione dicendum est, discrimen constituendum esse inter eum, qui jus perfectum

habet in beneficio, & pretium dat pro redimenda vexatione illi, à quo nullum jus spirituale ad ipsum beneficium assequitur; & inter eum, in quo pretium dedit illi, à quo jus spirituale, quod illi deerat, per talentum redimationem assequitur. Primo casu nulla committitur simonia, quia tantum injusta vexatio redimitur, quod licitum est, cap. de cetero 5. de transact. cap. cùm venissent 2. de restit. spol. D. Thomas 2. 2. q. 100. art. 4. ad 3. ubi ait: Sanctus Iacobus autem non peccavit emendo, quia intelligitur suam vexationem redemisse. Quo casu procedit textus in dict. cap. dilectus 30. Secundo vero casu simonia committitur, quia pretio temporali res spiritualis, seu jus ad eam emitur, ut in præsenti casu; nam cùm minor pars Capituli suffragium haberet in electione Matthæi, possetque justè confirmationem impedire ipsius, qui perfectum jus adhuc non habebat, pecuniam dando Magistro, ut ipse cum suis fratribus cessarent à vexatione, & electioni consentirent, novum jus ad ipsam Ecclesiam ex hac pretiū præstatione fuit assequutus; unde dando pecuniam ipsi Magistro authori discordia, simonianum commisit, ut docuerunt Luna & Arellano lib. 5. antinom. 2. Gibalinus de simonia, q. 18. confess. 5. Binsfeldius in d. cap. dilectus, qui exinde singulares casus resolvunt.

## C A P V T XXIII.

## Lucius III.

**A**daures nostras pervenisse agnoveris, quod cùm G. de Seveilla propter b. pecuniā, quam debebat, vinculo fuisset excommunicationis astrictus, creditoribus c. satisfecit, sed excommunicatoribus x. libras pro absolutione quærentibus, absolutionis gratiam non valuit obtinere. Quoniam igitur indignum est, & rationi ecclesiasticae contrarium, ut absolutionis beneficium d. redimatur, d. v. per A. f. m. quat. si præfatus G. debitum solvit, pro quo fuerat per sententiam excommunicatus, ipsum nullius ap. obſt. gratis faciatis auct. Ap. absolvi, et si excommunicatores requisiti id ei noluerint exhibere.

## N O T Æ.

**a** Lueius III.) Ita etiam legitur in secunda collectione, sub hoc titul. cap. 4. nullibi tam exprimitur cui rescribat Pontifex, nec ubi præfens casus contigerit.

**b** Propter pecuniā.) Quia ob debita solvenda, & causam civilem potest excommunicatione infligi, ut latè probat Gibalinus de censur. disputatione 2. quest. 3.

**c** Satisfecit.) Sed adhuc egebat absolutione, juxta tradita in cap. 1. de iudicio.

d Redimatur.) Nam talis absolutio est ministerium ecclesiasticum, & spirituale, cùm non ex politico, sed ex spirituali jure proveniat, cap. nullus 1. q. 1. cap. sacro, de sent. excommun. Unde cùm recipere temporale pro spirituali, regulariter si simoniacum, ideo pro tali absolutionis beneficio pretium absque labore simoniz recipi non potest, cap. non solum 1. quest. 3. docent cum D. Thoma 2. 2. quest. 100. art. 2. Binsfeldius in præsenti, Gibalinus de simonia, quest. 8. confess. 12.

4.

## C A P V T XXIV.

## Clemens III.

**D**E regularibus canoniciis, seu monachis nos voluisti consulere, qui per simonia ingressum ipsis scientibus, & machinantibus habuerunt; unde cùm super hoc b. autoritates multæ inveniantur expressæ, non aliud quam statutum est, respondemus, ut locum quem taliter adepti sunt, omnino dimittant, & solitudinem, seu alia monasteria c. districtiora adeant, in quibus tam execrabilem excessum sine inter-

I4 missione

missione deplorent. Si autem <sup>d</sup> ignorantibus ipso pecunia data fuerit, cogas ad renunciandum loco eidem, & postmodum in ipsum reducere, si ibi absque scandalo remanere potuerint, aut eos in aliquo, quod sit de ordine ipso, ad serviendum Deo poteris collocare.

## N O T A E.

1. a **C**lemens III.) Ita etiam legitur in secunda collectione, *sub hoc titul. cap. 7.* nullibi tamen exprimitur cui rescribat Pontifex.  
b *Auctoritates.*) Quas concessi suprà in *cap. veniens 19. hoc titulo*, ubi commentarium hujus textus dedi.

<sup>2.</sup> c *Districtiora.*) Ejusdem tamen Ordinis, nam professio emissa etiam cum simoniaca labore valida fuit, ut probav. in d. *cap. 19.*

<sup>3.</sup> d *Ignorantibus.*) Quomodo simonia dari possit cum ignorantia in promotis ad sacros Ordines, exposui in *capit. de simoniaca 21. suprà.*

## C A P V T XXV.

## a Clemens III

**E**x insinuatione tua nobis innoutuit, quod pater tuus interveniente pecuniâ olim tibi præbendæ beneficium <sup>b</sup> adquisivit: cumque ad annos discretionis postmodum pervenisti, Dominicæ crucis <sup>c</sup> signum accipiens, super excessu pœnitentiâ ductus, dictam præbendam in matru Præpositi, & fratrum liberè <sup>d</sup> resignasti. Sed idem Præpositus, & fratres tibi compatientes denuò te in suum Canonicum elegerunt, ita videlicet, quod secundum electionem istam postremum locum <sup>e</sup> in choro, & in aliis locis obtineres. Ceterum quia à nobis hñmiliter requisiuit, utrum juxta priorem tuam receptionem tuum locum recuperare valeas, tibi duximus respondendum, ut indulgentia, quam fratres tui misericorditer tibi fecisse noscunt, contentus existens, ratione primæ receptionis nihil audeas in ipsa Ecclesia <sup>f</sup> vindicare.

## N O T A E.

2. a **C**lemens III.) Ita etiam legitur in secunda collectione, *sub titul. de renunc. cap. 2.* sed nullibi exprimitur cui Prælato rescribat Pontifex.

b *Acquisivit.*) Et ita per simoniam, juxta traditionem in *cap. indicatum, hoc titulo.*

c *Crucis signum.*) Ut militia nomen daret contra Saracenos, juxta tradita in *cap. quod 8. de voto.*

d *Liberè resignasti.*) Alias si conditionaliter in favorem alterius, aut simil modo resignatio fieret, simoniaca esset, ut late probat Gibalinus de Simonia, *q. 16. confect. 9.*

e *Locum in choro.*) Ut nōviter electus, cassata priori electione, nam si principaliter propter simoniaca fuisset privatus ipsâ præbendâ, sed postea ad eam restitutus, recuperaret pristinum locum, ut in Decurionibus, & similibus privatibus, & restitutis, probant Aviles in *capitulo Prator. cap. 44. gloss. 1. num. 3.* Azvedo in *Carta Pisana, lib. 2. cap. 2. num. 18.* & in *l. 2. tit. 14. lib. 4. recop. num. 5.* Solorzonus *tom. 2. de jure Indian. lib. 2. cap. 26. num. 101.* Salgado de Regia *protell. p. 4. cap. 9. num. 178.*

f *Vindicare.*) Ex indulgentia, & misericordia sustinetur hæc secunda collatio; nam cum simoniaca commissa fuisset à patre in ipsa prima præbenda acquisitione, filius etiam simonia non consentiens tenebatur præbendam dimittere, *cap. sicut tuis, hoc titul. ex dicendis infra in cap. nobis, hoc titul.* & per consequens, quia circa eam præbendam simonia commissa fuit, non poterat secundò ad eam admitti etiam virtute novæ e-

lectionis, *cap. 5. hoc titul. in 2. collect. ubi idem Clemens ita scribit: Super eo verò, quod querere volunti, si aliquis electio cassata fuerit, & idem ad regimēnem cuiusdam Ecclesiæ iterum concorditer nominatus, an secunda electio debeat confirmari, hoc tuam tenere volumus discretionem, quod si prior electio non vitio personæ, sed modo electionis cassetur, nisi forte simoniae pravitatis aliquid intercessisse constituerit, promotionem ejus in eadem Ecclesia non debeat impeditre.* Facit Concil. Claromontanum sub Urbano II. editum à Ballucio: *Quicunque sanè cupiditati parentum, cum adhuc per iruuli essent, Ecclesias, vel Ecclesiæ beneficia per pecunias adepvi sunt, & post eas omnino dimisirint, si canonice in eis vivere voluerint, pro misericordia ibidem eos esse concedimus, nec pro hac facio a sacris ordinibus removemus, si alias digni inveniuntur. Illi verò, qui per seipso, cum jam majoris essent etatis, ne sanda cupiditate ducetas emerant, si in aliis Ecclesiæ canonice vivere voluerint, servatis propriis ordinibus, pro magna misericordia inibi eos ministrare permittimus. Quod si ad alias fortasse transferri non potuerint, & in eisdem canonice vivere promiserint, minoribus ordinibus contenti ad sacros ordines non accedant; salvà tamen in omnibus Apostolicæ Sedis auctoritate. Si qui tamen ante emptionem catholice ordinantur sunt, cum ea, que emerunt, dimisirint, & vitam canonicam egerint, in suis gradibus permittantur, nisi forte ejusmodi Ecclesia sit, ubi primum locum debet obtinere; primum enim, vel singulari, vel Præpositura, vel officii locum in emptis Ecclesiæ eos habere non patinur. Refert Ballucus ad P. Marcham, lib. 6. concord. *cap. 31. fol. 194.* per hæc verba.*

## C A P V T